

Zenica, 09.06.2009. godine

Broj: 241/09

**ZAPISNIK I ZAKLJUČCI SA
PRVE SJEDNICE PREDSJEDNIŠTVA SKUPŠTINE
SAVEZA OPĆINA I GRADOVA FEDERACIJE BOSNE I HERCEGOVINE**

U Zenici je dana 09.06.2009. godine održana Prva sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je **12** članova, i to:

1. **g-din Husejin Smajlović**, načelnik, Općina Zenica,
2. **g-din Vlado Alilović**, načelnik, Općina Vitez,
3. **g-din Hasan Ajkunić**, načelnik, Općina Bugojno,
4. **g-din Muhamed Ramović**, načelnik, Općina Goražde,
5. **g-din Amer Čenanović**, načelnik, Općina Ilidža,
6. **g-din Salem Dedić**, načelnik, Općina Jablanica,
7. **g-din Rasim Omerović**, načelnik, Općina Kalesija,
8. **g-din Luka Čelan**, načelnik, Općina Livno,
9. **g-din Miro Kraljević**, načelnik, Općina Široki Brijeg,
10. **g-din Hakija Osmić**, načelnik, Općina Zavidovići,
11. **g-đa Senada Mehdić**, pomoćnik načelnika za finansije, Općina Bosanski Petrovac (po ovlaštenju načelnika Hajdera), i
12. **g-đa Dragana Solaković**, pomoćnik Gradonačelnika, Grad Sarajevo (po ovlaštenju Gradonačelnika Behmena).

Pored gore navedenih, sjednici su prisustvovali i: **g-din Ivan Vukadin**, načelnik Općine Tomislavgrad, **g-đa Hasiba Šahmanović**, pomoćnik načelnika, Općina Tuzla, **g-din Nusret Sirćo**, zastupnik Predstavničkog doma parlamenta Federacije BiH, **g-din Emir Silajdžić**, pomoćnik Federalnog ministra financija za budžet, Federalno ministarstvo financija, **g-din Elvir Gigić**, Federalno ministarstvo poljoprivrede, vodoprivrede i šumarstva, **g-din Aziz Klisura**, Federalno ministarstvo poljoprivrede, vodoprivrede i šumarstva, **g-din Vlado Soldo**, Federalno ministarstvo poljoprivrede, vodoprivrede i šumarstva, **g-đa Vesna Travljanin**, Direktorica Saveza, **g-đa Zlata Turkić**, saradnik za rad sa skupštinskim komisijama i institucijama vlasti, **g-đa Selma Fišek**, saradnik za pravna pitanja, **g-din Edin Demirović**, asistent za lokalnu samoupravu/administrativni asistent, i **g-đica Šejla Hasić**, viši saradnik za projekte.

Predsjednik Smajlović pozdravlja prisutne, otvara Prvu sjednicu Predsjedništva Saveza i čita Dnevni red.

G-đa Travljanin predlaže dodatne tačke Dnevnog reda i to: Inicijativa iz Federalnog ministarstva okoliša i turizma, održavanje Sajma općina i gradova BiH, Prijedlog Zakona o zaposlenicima u organima jedinica lokalne samouprave, Inicijativa Općine Široki Brijeg i Inicijativa Općine Tuzla.

Dnevni red sa dopunama je jednoglasno usvojen.

1. Konstituisanje Predsjedništva Skupštine Saveza općina i gradova Federacije BiH

G-din Smajlović konstatuje da se konstituiše Predsjedništvo Skupštine Saveza, te želi uspješan rad svim načelnicima u radu Saveza.

2. Usvajanje Poslovnika o radu Predsjedništva Skupštine Saveza općina i gradova Federacije BiH
Izvjestilac: Predrag Šupljeglav, predsjednik Odbora za pripremu materijala za Skupštinu Saveza

Kako g-din Šupljeglav nije bio u mogućnosti da prisustvuje sjednici Predsjedništva, gđa Travljanin izvještava prisutne da se radi samo o tehničkim promjenama u tekstu Poslovnika o radu Predsjedništva Skupštine Saveza.

Poslovnik o radu Predsjedništva Skupštine Saveza općina i gradova Federacije Bosne i Hercegovine jednoglasno je usvojen uz tehničke izmjene.

3. Davanje saglasnosti Predsjedništva Skupštine Saveza na opće akte Saveza (usklađivanje sa izmjenama i dopunama Statuta Saveza i Odlukama donesenim na Skupštini u Neumu)

- Pravilnik o radnim odnosima i plaćama zaposlenika Stručne službe Saveza općina i gradova Federacije BiH

G-din Smajlović konstatuje da su materijali ranije dostavljeni te otvara raspravu.

Gđa Solaković se javlja za riječ i postavlja pitanje osnovice, tj. izmjeni člana 37. i da li se u tom smislu povećavaju plate uz naznaku da stav Grada Sarajeva nepodržava povećanja.

G-din Dedić se javlja za riječ i smatra da je Pravilnik trebao biti bolje obrazložen. Smatra da se ova tačka treba odgoditi za sljedeću sjednicu Predsjedništva.

Gđa Travljanin obrazlaže da se radi o izmjenama i usklađivanju nakon održane Skupštine Saveza. U posljednjih nekoliko godina obim rada se promijenio te je neophodno izvršiti izmjene. Došlo je i do preraspodjele poslova. Članarine ostaju iste a izmjene su u skladu sa usvojenim Budžetom za 2009. godinu.

G-din Omerović se javlja za riječ. Smatra da je izabran pogrešan momenat za ovakve izmjene. Konstatuje da ne zna kakve su izmjene, tj. da nema uvodnog obrazloženja. Navodi da je pokrenuto niz inicijativa u sklopu rada prethodnog saziva Predsjedništva.

Gđa Solaković konstatuje da se ne zna kako će se puniti budžet Saveza u trenutnoj situaciji te smatra da se ova tačka treba ostaviti za sljedeću sjednicu Predsjedništva.

G-din Ajkunić se javlja za riječ. Pozdravlja prisutne. Smatra da će Predsjedništvo imati dosta posla i da bez Stručne službe se ne može. Konstatuje da se ne radi o velikom povećanju te da se u predhodnim godinama plaće nisu mijenjale, a da se obim poslova povećao. Postavlja pitanje da li se može budžetski podnijeti. Nakon konstatacije gđe Travljanin da je i planirano u sklopu Budžeta za 2009. godinu, predlaže da se podrže izmjene te da se glasanja ne odgađa za buduće sjednice. Također moli da se vodi računa o dužini dnevnog reda jer smatra da je današnji Dnevni red preširok.

G-din Ramović također konstatuje da izmjene nisu velike.

G-din Smajlović smatra da se Predsjedništvo ne mora baviti plaćama uposlenika ako se radi u skladu sa usvojenim budžetom.

G-din Omerović postavlja pitanje o broju izvršilaca u sklopu Stručne Službe i smatra da se broj povećao a da Predsjedništvo nije bilo konsultovano.

G-din Dedović konstatuje da nije protiv ali da je neophodno šire obrazloženje.

G-din Alilović smatra da bez efikasne Stručne službe nema ni efikasnosti za Savez. Nije protiv predloženih izmjena ako se to može izdržati u budžetu. Također podržava g-dina Ajkunića da se ova tačka ne odlaže za sljedeću sjednicu nego da se sad glasa.

G-din Kraljević konstatuje da su razlike male i smatra da se ne treba puno raspravljati oko ove tačke. Konstatuje da je ovo neophodno radi daljnje efikasnosti Saveza.

G-din Osmić također konstatuje da su razlike male te predlaže da se ovaj prijedlog usvoji.

Gđa Mehdić konstatuje da će biti suzdržana tokom glasanja.

G-din Omerović naglašava da nije pitanje koeficijenta ali da je momenat pogrešan.

G-din Smajlović stavlja tačku dnevnog reda na glasanje.

Predsjedništvo Saveza daje saglasnost na Pravilnik o radnim odnosima i plaćama zaposlenika Stručne službe Saveza općina i gradova Federacije BiH sa osam glasova «ZA» i dva «SUZDRŽAN» (Grad Sarajevo i Općina Bosanski Petrovac).

- Pravilnik o unutrašnjoj organizaciji i sistematizaciji radnih mjesta u Stručnoj službi Saveza općina i gradova Federacije BiH

G-din Smajlović stavlja Pravilnik o unutrašnjoj organizaciji i sistematizaciji radnih mjesta u Stručnoj službi Saveza na glasanje.

Predsjedništvo Saveza daje suglasnost na Pravilnik o unutrašnjoj organizaciji i sistematizaciji radnih mjesta sa osam glasova «ZA» i dva «SUZDRŽAN» (Grad Sarajevo i Općina Bosanski Petrovac).

- Odluka o obrazovanju Stručne službe Saveza općina i gradova Federacije BiH

G-din Smajlović stavlja Odluku o obrazovanju Stručne službe Saveza općina i gradova F BiH na glasanje.

Predsjedništvo jednoglasno usvaja Odluku o obrazovanju Stručne službe Saveza općina i gradova Federacije BiH.

4. Izvještaj o Nacrtu Zakona o izmjenama i dopunama Zakona o koncesijama Federacije BiH
Izjavitelj: Ismet Velić (ekspert GAP-a) i član Radne grupe Komisije za koncesije F BiH

U odsustvu g-dina Velića, gđa Turkić izvještava Predsjedništvo o Nacrtu Zakona o izmjenama i dopunama Zakona o koncesijama F BiH.

G-din Smajlović otvara raspravu.

G-din Omerović iznosi primjedbu oko koncesija za poljoprivredna zemljišta jer je koncesija moguća samo jednu godinu. Potrebna je koncesija na 25 do 30 godina.

G-din Širčo konstatuje da Zakon o poljoprivrednom zemljištu daje lokalnoj zajednici ovu mogućnost.

Gđa Solaković predlaže da se sugeriše i tehnička ispravka na osnovu Zakona o principima lokalne samouprave F BiH, tj. da se na svim mjestima gdje stoji «općina» doda i «odnosno Grad».

Izvještaj je jednoglasno usvojen uz prijedlog gđe Solaković, tj. usaglašavanje terminologije sa Zakonom o principima lokalne samouprave F BiH.

5. Izvještaj o konstituisanju skupštinskih komisija Saveza općina i gradova Federacije BiH
Izjavitelj: Zlata Turkić, saradnik za rad sa skupštinskim komisijama i institucijama vlasti

G-din Smajlović otvara raspravu na osnovu dostavljenih izvještaja te stavlja tačku na glasanje.

Izvještaj je jednoglasno usvojen.

6. Informacija sa 22. sjednice Predstavničkog/Zastupničkog doma Parlamenta Federacije BiH u vezi sa Prijedlogom zakona o izmjeni i dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata
Izvjestilac: Vesna Travljanin, direktor Saveza

Gđa Travljanin izvještava Predsjedništvo o poduzetim aktivnostima Saveza. Izvještava da je Predstavnički dom Parlamenta usvojio povećanje procenta od prihoda ostvarenog korištenjem hidroakumulacionih objekata.

G-din Dedić konstatuje da se čeka odluka i da je moguće da će se stvoriti problem. Naime tražiti će se i povećanje cijena električne energije potrošačima. Ipak se nada da će se ovaj Zakon usvojiti i na Domu naroda.

Informacija je jednoglasno usvojena.

7. Informacije o:

- a) održanom sastanku Fiskalnog vijeća Federacije BiH održanom u Vladi FBiH 27.05.2009.
Izvjestilac: Vesna Travljanin, direktor Saveza, prisustvo sjednici potvrdio **g-din Vjekoslav Bevanda, Federalni ministar finansija**

Pomoćnik federalnog ministra finansija za budžet, g-din Emir Silajdžić se izvinjava u ime Ministra koji nije mogao prisustvovati današnjoj sjednici te izvještava Predsjedništvo o aktuelnim dešavanjima u Vladi F BiH. Izvještava Predsjedništvo o potrebi rebalansa budžeta, zadovoljavanju uslova postavljenih od strane MMFa, kao i Interventog zakona.

- b) aktivnostima Saveza u vezi sa Zakonom o šumama u Federaciji BiH – presuda Ustavnog suda Federacije BiH, dalje djelovanje Saveza

Ova tačka Dnevnog reda se spojila sa tačkom 9b Dnevnog reda.

- c) održanim radionicama o uvođenju trezorskog poslovanja u jedinicama lokalne samouprave
Izvjestilac: Zlata Turkić, saradnik za rad sa skupštinskim komisijama i institucijama vlasti

Gđa Turkić izvještava da su održane četiri uspješne radionice i da se veliki broj lokalnih zajednica odazvao. Učestvovalo je preko stotinu učesnika iz sedamdeset općina. Savez će u dogledno vrijeme prosljediti ogledne primjke, te će moći i naknadno pojasniti procese. Također izvještava i o sastanku sa općinama o kontnim planovima.

Informacija je jednoglasno usvojena.

- d) održanom drugom sastanku Koordinacionog tijela za reformu lokalne samouprave
Izvjestilac: Selma Fišek, saradnik za pravne poslove

Gđa Fišek izvještava da su se održala dva sastanka koja su imala za cilj utvrđivanje zakona koje je potrebno uskladiti sa Zakonom o principima lokalne samouprave FBiH.

Na sastancima je zaključeno da se hitno pristupi izmjenama zakona i Nacrtu akcionog plana, kao i nosiocima aktivnosti. Dogovoreno je da se formiraju četiri podgrupe. Također je zaključeno da Federalno ministarstvo pravde što prije uputi inicijativu prema vladi Federacije za nosioce aktivnosti za rad na ovim zakonima. Ispred Saveza imenovani članovi su g-din Vlado Alilović i g-din Emir Bubalo.

Gđa Travljanin konstatuje da se radi o važnim zakonima te da je prošli saziv Predsjedništva ostavio usvajanje Akcionog plana Saveza novom sazivu Predsjedništva. Prijedlog akcionog plana će biti proslijeđen na komentare i sugestije.

Ovaj prijedlog je jednoglasno usvojen.

- e) održanim seminarima za načelnike/gradonačelnike i predsjedavajuće općinskih/gradskih vijeća

Izvjestilac: Edin Demirović, asistent za lokalnu samoupravu/administrativni asistent

G-din Demirović izvještava o održanim seminarima za načelnike i predsjedavajuće općinskih vijeća, te o održavanju finalne konferencije u Sarajevu 23. i 24.06.2009. godine. Predpozivi su već dostavljeni općinama, a pozivi sa Dnevnim redom će se slati u narednim sedmicama.

Informacija je jednoglasno usvojena.

8. Inicijative:

- a) Inicijativa Općine Tuzla za izmjenu Zakona o privatizaciji preduzeća
Izvjestilac: Mediha Nuhbegović, Općina Tuzla

Gđa Šahmanović umjesto gđe Nuhbegović predstavlja materijal i razlog za inicijativu koji je upućen Parlamentu. Obrazlaže da su lokalne zajednice osnivači i vlasnici imovine preduzeća. Smatra da bi Predsjedništvo trebalo podržati inicijativu.

G-din Omerović konstatuje da su uspjeli prolongirati implementaciju Zakona godinu dana ali da je problem u kantonu gdje se i napravila greška. Cilj je da se pozove na član 8. Zakona. Naglašava da se isti problem javlja i sa domovima zdravlja i da ih je potrebno izuzeti iz privatizacije.

G-din Ajkunić konstatuje da i oni imaju problema u kantonu oko veterinarskih stanica i predlaže da se inicijativa podrži.

G-din Dedić također naglašava da isti problemi postoje i u njegovom kantonu i podržava inicijativu.

Predsjedništvo jednoglasno podržava inicijativu i predlaže da Savez po hitnom postupku ponudi rješenja.

- b) Inicijativa Općine Jablanica za izmjene i dopune Zakona o slobodi pristupa informacijama radi preciznijeg definisanja određenih odredbi kako bi se nedorečenost navedenog propisa u potpunosti riješila i spriječila zloupotreba istog
Izvjestilac: Salem Dedić, načelnik Općine Jablanica

G-din Dedić obrazlaže inicijativu i konstatuje da je ovo ozbiljan problem. Predlaže da se od Federalnog ministarstva pravde traži da uputi Prijedlog izmjena i dopuna ovog Zakona kako bi se riješila zloupotreba istog.

Predsjedništvo jednoglasno podržava inicijativu.

- c) Inicijativa Općine Tomislavgrad za donošenje zakonske regulative iz oblasti od vitalnog interesa za jedinice lokalne samouprave
Izvjestilac: Ivan Vukadin, načelnik Općine Tomislavgrad

G-din Vukadin izvještava Predsjedništvo o problemu općina Tomislavgrad, Livno i Kupres. Naime postoje već tri koncesije za iskorištavanje potencijala vjetra kao i lokacije za iste. Na tom je proces i zaustavljen. Naime, nedostaje Zakon o tarifnom otkupu električne energije. Bez zakonske regulative kompanije neće investirati. Moli Predsjedništvo da usvoji predloženu inicijativu.

Predsjedništvo jednoglasno usvaja inicijativu.

9. Tekuća pitanja

- a) Imenovanje predstavnika Saveza u arbitražno tijelo na zahtjev Federalnog ministarstva finansija

Gđa Turkić izvještava da su pristigla tri zahtjeva iz općina Jajce, Cazin i Orašje. Kako bi ispoštovali date rokove u dogovoru sa Predsjednikom Saveza, g-dinom Smajlovićem, Stručna služba je uputila prijedloge predstavnika Saveza. Stručna služba će proslijediti dodatne pristigle informacije i rješenja.

Informacija je jednoglasno usvojena.

- b) Imenovanje Delegacije Saveza za sastanak sa predstavnicima Federalnog ministarstva poljoprivrede, vodoprivrede i šumarstva

Gđa Travljanin izvještava Predsjedništvo o aktivnostima o Zakonu o šumama kao i presudi Ustavnog suda F BiH.

G-din Omerović konstatuje da su šume važan resurs za BiH, te da je neophodno da se Savez uključi u proces izrade novog Zakona, te da bi volio da učestvuje u izradi ovog Zakona.

G-din Sirčo konstatuje da je on autor osporenog zakona. Očito je da je napravljena greška u ovom Zakonu i da su principi jedinica lokalne samouprave povrijeđeni. Neophodno je da se u Zakon ugradi da općinsko vijeće daje suglasnost na šumsko privrednoj osnovi.

Jednoglasno je usvojeno da se predstavnici Saveza uključe u izradu novog Prijedloga zakona o šumama i da se anketiraju općine koje bi željele biti uključene u radnu grupu

- c) Prijedlog Zakona o zaposlenicima u organima jedinica lokalne samouprave

Jednoglasno je usvojeno da se Prijedlog ovog Zakona uputi svim načelnicima na eventualne prijedloge i sugestije.

- d) Održavanje Sajma «Dani otvorenih vrata općina/opština i gradova BiH»

Gđica Hasić izvještava Predsjedništvo o sastanku sa organizacijom «Bomsekspo» u cilju organizovanja i održavanja manifestacije Dani otvorenih vrata općina/opština i gradova Bosne i Hercegovine. Predlože se Predsjedništvu da se pošalje upitno pismo općinama koje bi bile zainteresovane da budu domaćini ove manifestacije, uz to da posjeduju smještajne kapacitete, kao i prostor za održavanje ovog događaja.

Jednoglasno je usvojeno da Stručna služba Saveza pošalje pismo za izražavanje interesa općina za održavanja Sajma «Dani otvorenih vrata općina/opština Bosne i Hercegovine».

- e) Pravilnik o proglašenju i razvrstavanju turističkih mjesta u razrede i Odluka o razdoblju turističke predsezona, glavne sezone, posezone i vansezona u turističkim mjestima

Gđa Turkić izvještava Predsjedništvo da je Stručna služba Saveza primila dopis od Federalnog ministarstva okoliša i turizma u kojoj traže da se članice Saveza izjasne o gore navedenim propisima. Naime, radi se o izradi novih gore navedenih Prijedloga propisa.

Jednoglasno je zaključeno da se navedeni Prijedlog i Odluka upute općinama na sugestije i komentare, te da Stručna služba obavijesti ministarstvo o dostavljenim sugestijama, primjedbama i komentarima od strane općina.

f) Inicijativa općine Tuzla za izmjene i dopune Zakona o građevinskom zemljištu.

Gđa Šahmanović konstatuje da je navedeni Zakon donesen od strane Visokog Predstavnika 2003. godine, a usvojen na Parlamentu FBiH 2005. godine. Potrebno je donijeti izmjene i dopune Zakona, te treba pokrenuti inicijativu preko Saveza. U materijalima je i konkretan Prijedlog izmjena i dopuna Zakona o građevinskom zemljištu sa Obrazloženjem.

Inicijativa je jednoglasno usvojena.

g) G-din Čelan predlaže da se Savez uključi i u izradu Pravilnika o kriterijima kseropozitivnih životinja, te da se lokalne zajednice izuzmu iz troškova predviđenih ovim pravilnikom.

Predsjedništvo je primilo k znanju ovaj prijedlog.

Nakon što su sve tačke Dnevnog reda zaključene, Prva sjednica Predsjedništva zaključena je u 13:45 sati, a slijedeća sjednica Predsjedništva predviđena je da se održi u Širokom Brijegu.

Zapisničar
Šejla Hasić, s.r.

Predsjednik Predsjedništva Skupštine
Husejin Smajlović, s.r.